

Sarajevo, 14.07.2026. godine

Broj: 754/26

n/r - Nadzorni odbor

- Dioničari ZIF FORTUNA FOND

**OČITOVANJE DUF LILIUM ASSET MANAGEMENT NA ODLUKU SKUPŠTINE NA
NEUSVAJANJE FINANSIJSKIH IZVJEŠTAJA I INFORMACIJE O REALIZACIJI
INVESTICIONE POLITIKE**

Poštovani,

U skladu sa odlukama donesenim, odnosno neusvojenim, na Skupštini dioničara ZIF FORTUNA FOND d.d. Sarajevo od 08.06.2026. godine želimo istaći slijedeće:

Društvo za upravljanje Lilium Asset Management d.o.o. Sarajevo je tokom prethodnog perioda kontinuirano usmjeravalo svoje aktivnosti na očuvanje stabilnosti poslovanja Fonda, održavanje njegove likvidnosti, te dosljednu usklađenost sa važećim zakonskim i podzakonskim propisima. Pri tome nisu poduzimane radnje koje bi mogle ugroziti postojeću visoku likvidnost portfolija, već su naponi bili usmjereni na stvaranje pretpostavki za buduće investicione aktivnosti i daljnji razvoj Fonda.

Nalazi nezavisnog revizora, sadržani u revidiranim finansijskim izvještajima, nisu ukazali na postojanje nepravilnosti u poslovanju Fonda. Ostvareni finansijski rezultat nema značajan uticaj na tekuće poslovanje niti na buduće upravljanje imovinom Fonda, uključujući strukturu portfolija i potencijalne investicione odluke. Uzimajući u obzir činjenicu da akumulirani gubici iz ranijih perioda nisu predstavljali prepreku za donošenje odluka dioničara na prethodnim skupštinama, smatramo da ni rezultat ostvaren u protekloj poslovnoj godini, posmatran u odgovarajućem kontekstu, ne predstavlja opravdan razlog za neusvajanje finansijskih izvještaja. Ostvareni gubitak u iznosu od 166 KM u 2025 godini, u odnosu na akumulirane gubitke prethodnog perioda u iznosu 45.792.540 KM smatramo da itekako pokazuje da su radnje Društva konačno dovele do stabilizacije poslovanja Fonda.

U saradnji sa direktorom Fonda i Nadzornim odborom nastavit ćemo aktivnosti na pronalaženju adekvatnih i održivih rješenja koja će biti usklađena sa legitimnim očekivanjima dioničara, uz puno uvažavanje svih okolnosti koje utiču na poslovanje Fonda.

DUF Lilium Asset Management d.o.o. Sarajevo je u proteklim godinama u što većoj mjeri nastojao obezbijediti stabilnost Fonda, njegovu likvidnost i usklađenost sa Zakonskim i podzakonskim aktima. Nisu poduzimane aktivnosti koje bi vodile eventualnom narušavanju izuzetno likvidne strukture portfolija, te smo pokušali obezbijediti preduslove za dalja ulaganja.

U prethodnom periodu Društvo je provelo sve neophodne aktivnosti s ciljem potpunog usklađivanja poslovanja i strukture imovine Fonda sa ograničenjima i zahtjevima propisanim važećim zakonskim i podzakonskim aktima, uključujući odredbe relevantnih propisa i akata koje donosi Komisija za vrijednosne papire Federacije Bosne i Hercegovine. Posebna pažnja posvećena je očuvanju sigurnosti, likvidnosti i vrijednosti imovine Fonda, pri čemu je dio raspoloživih novčanih sredstava privremeno plasiran putem oročenih depozita kod tri različite bankarske institucije. Na taj način osigurano je ostvarivanje prinosa na slobodna novčana sredstva i ublažen negativan uticaj inflatornih kretanja na njihovu realnu vrijednost, sve do nastupanja povoljnijih i investiciono opravdanih prilika za njihovo dugoročno plasiranje u skladu sa investicionom politikom i interesima dioničara Fonda.

Imajući u vidu sve prethodno navedene činjenice, uključujući urednost poslovanja potvrđenu nalazima nezavisne revizije, usklađenost poslovanja sa važećim regulatornim okvirom, očuvanje likvidnosti i stabilnosti Fonda, kao i aktivnosti usmjerene na zaštitu i unapređenje vrijednosti imovine Fonda, Društvo smatra da nisu postojali objektivni niti opravdani razlozi za neusvajanje finansijskih izvještaja.

Istovremeno, Društvo ostaje u potpunosti opredijeljeno za otvoren i konstruktivan dijalog sa dioničarima, te će i u narednom periodu ulagati dodatne napore u pronalaženje rješenja koja će biti u najboljem interesu Fonda i svih njegovih dioničara. Kroz međusobno razumijevanje, transparentnu komunikaciju i uvažavanje legitimnih očekivanja svih zainteresovanih strana, Društvo će nastojati postići što širi stepen saglasnosti o budućim aktivnostima i pravcima razvoja Fonda.

S poštovanjem,

DUF Lilium Asset Management
Nedim Vilogorac

